

\id 1PE

\h 1 Petrus

\c 3

\s Nui: Nin-senun suing genang

\r 1 Petrus 3:1-7

\p

\v 1-2 Mianang, sedue go senun!

Suali ba lo Ki Wali Iram nogo dabui koklong go tang ~~nog~~so,  
motnang go sedue nogo, tup-duk ~~se~~-dali so se!

Yang! Motnang sik sogo temu go keninnang~~sedue-ey-go~~,  
maning Ki wali nebut so maning-waydang go,  
motnang go wali-tasam teguop ~~ey~~-go-a ikum go sik so,  
Ki Wali Iram nogo ~~nemot~~-dabui iti go nemot mea kengiti.

\p

\v 3 Motnang, betodop srem ey kut go,  
srem bumeno-bumeno, emas lo semu go,  
amka duoy blo sogo lo iti go,  
saysuk temoy no kok go,  
ikum genang seguong-a kua.

\v 4 No, dabui ba sik sogo teguop-a senang so se pupung.

Yangga, wali pega, teguop go,  
suot-suot sogo-a mot ba sik sogo se pupung.  
Ngga, Ki Wali Iram lo iwat go, ya kua pegop genang,  
teguop-nali seni so gabe.

\p

\v 5 Se senong! Mianang banim go wali tap no kekeng golo,  
Ki Wali Iram nogo dabui lo keng-nengam.  
Kenin no kekeng duk go tang so,  
wali teguop goso mo lemoy.

\p

\v 6 Ngga kalik dali so, Sara lo mo semu.  
Ablaham nogo mo keng duk go tang so,  
Kenin Ablam ~~nemot~~-sogo wengkabui so mo pu-nangum.  
Nando kekeng duduk-a, suali kua goso,  
kenin nogo sesemu go, nemot ngga,  
Sara go 'denun' so mea pu dali.

\p

\v 7 ~~ninnang~~ Ngga kalik dali so keninnang se suing!

Mot go kabung nogo, kunala kunala-klum-duduing ey suey so se senong.

Nemotnang ngga, kabung- dedon kua go saulakuon gemang.

Nemotnang suey so se wawi, nemot motnang ey klay gono,

Ki Wali Iram logo wali taiti klum mea iti.

Ngga kalik semu go tang so, mot go dewi mea kua puem.

\s Nuik: Seni ey go takebali pupluok go sogo iseng mea tra

\r 1 Petrus 3:8-22

\p

\v 8 Blong duo yap, ngge se senong!

Dabui-a klaya se iti, nebut klaya se pepen,

klum way-way so, dabui-a ku no se susuing!

\v 9 Tabat y piam go, ~~tabet dali lo~~ way sogo, tabat dali lo- kua iti,  
kemla kuep go, kemla dali-a lo kua pu.

No, Ki Wali Iram sik sogo klum-a ~~lo~~-way sogo se wadong.

Yang Ki Wali Iram lo motnang usi go ngga,

Nemot logo taiti wali pega motnang lo wawi genang sogo so gabe.

\p

\v 10-12 Se duing! Wali Sam Klaut ba no mo klik:

\q <Nando wali suey so suing genang so duduing go,

\q nemot go lom yay-a, suey so se suing.

\q nebut piam-piam go ya kua pen.

\q ngga ey nemot go ku suey-suey so mea koklong

\q <Yang! Tasam-tasam piam go itak go,

\q suey-suey go-a se sesemu!

\q Nggano, ngengam genang sogo tap kangok so se u-usey!

\q <Se senong! Ki Wali Iram go duduing-a sesemu go sikabung nogo yay,

\q Nemot lo nemu genang luluik!

\q nemot go dewi, kamasua lo Nemot keda so gemang tutup dali.

\q No, tabat piam gogo sesemu go sikabung nogo,

Nemot lo mea waydang.

\p

\v 13 Se duing dali:

Tasam suey go-a mot lo sesemu go,

nando lo mot nogo piam ya semu?

\v 14 Ki Wali Iram nogo dabui lo keng-nengam go,  
nemot-a, seni so, motnang, tasam seni ey go pupluok go sogo,  
iseng tra go, yangga, motnang yakay ~~ey~~ genang.  
Nemotnang lo taling go sagui nogo, motnang suali kua tra.  
Ngga ey mot go kunala nega genaning!

\p

\v 15 No, ~~dabui ba nogo~~, Iram Yesus nogo tasuey-a  
kangok so dabui ba nogo, se kokong! Nemot seguong-a klaykim!  
Nemot ngga Iram gabe! ~~Woy Dem~~.  
Nggano, ku no-~~woy~~ku no, nebut way suey so pen genang sogo,  
motnang ~~dali~~ dabui don ey dali se suing.  
Yang! Sikabung mot no usi go nogo,  
mot glo duduing ey bubung go so-no go,  
~~mot lo~~-suey so mot lo se pepen.

\v 16 No, ngga naklay, ~~dabui lo~~-dodon kua goso dabui lo,  
ta kokong ey, dabui klaut no se semu.  
Nago no Iram Yesus no keng go tang so nebut wayang pu go,  
nemotnang tang go-a suongsut mea tra-~~genang~~.

\v 17 Yang! Ki Wali Iram go duduing sogo,  
ta keballi suey gso semu goso ide lek go, ngga, suey dali.  
No, esang! Piam sogo so ide lek go ngga, seni kua.

\p

\v 18 Se duing!  
Sikabung naklay go kon keba-mling sogo so,  
Blong Dem tang go, da klaya seguong mo kebong.  
~~Yangga, idekeba~~ Sedue naklay nogo ~~so~~,  
idekeba kua taling genang sogo, sedue-a klaya mo kebong.  
Nemot lo ngga kalik keng go, Ki Wali Iram sono motnang,  
Nemot tang golo, wawi go mo klong.  
Nemot go saysyuk-a mo uluk, no waglo logo-a mo wali (nglong) gabe.

\p

\v 19 Nggano Nemot go Waglo lo koklong,  
e .... sikebong go sip no gemang pung.

Pung go nogo, ngga ba sogo dok go dabuilap nogo,  
Ki Wali Iram logo Deguo Teguop nemotnang ta itak genang sogo,  
gemang pen-anangam.

\v 20 Yangga, asi Noak go ku nogo susuing go sikabung.  
Seni so, Noak bayi so kiklik go, Ki Wali Iram<sub>2</sub> gigling ey mo bung-akam.  
No, Ki Wali Iram no sikabung ngganemot tup<sub>2</sub>duk go kua keng.  
Nggano, bay ba sogo seguong-a sikabung 8 yam dato  
seguong so bu kangok go klak golo kua leguot go<sub>2</sub> mo susuoy.

\p  
\v 21 Bay ba sogo susuoy sogo sikabung ngga,  
nggeasui go sikabung taling genang sogo tasam gemang.  
Ngge kalik so gabe:  
Bu degut go tap lo motnang mea sesuoy.  
Se duing!  
Bu degut go tasam ngga,  
saysuk kon piam-piam bu ulu genang so kua,  
no, dabui klaut ba sogo Ki Wali Iram nogo-a uwadong go dewi.  
Yang! Bu degut go tap lo imot mea senong:  
Kupiam go don sik sogo, imot wali susuoy genang,  
Iram Yesus go tang sogo so<sub>2</sub>  
tandali gabe mo nglong.

\p  
\v 22 Nggano, Ki Wali yakena no klak go,  
e .... nggeasui go, Nemot Ki Wali Iram goey tasemlea so susuing,  
Ngga sik so, Nemot Wali tamot, Wali kabung, don naklay nogo,  
Iram so gabe temuittaling.